



SAKSPAPIR

Saksnr	Utval	Type	Dato
76/2018	Formannskap/plan- og økonomiutvalet	PS	19.11.2018
80/2018	Kommunestyret	PS	10.12.2018

Sakshandsamar	Arkiv	ArkivsakID
Åse Elin Myking	FE - 151	18/676

STØNAD TIL KREMASJONSAVGIFT

Vedlegg:

Stønad til kremasjonsavgift

MELDING OM VEDTAK - STØNAD TIL KREMASJONSAVGIFT - UTTALE FRÅ ELDRERÅDET

Rådmannen sitt framlegg til vedtak:

Alternativ 1: Vaksdal kommune dekker ikkje kostnader ved kremasjon.

Alternativ 2: Vaksdal kommune yter ein stønad til kremasjon på kr _____

Alternativ 3: Vaksdal kommune dekker kremasjonsavgifta etter søknad til Fellesrådet.

For alternativ 2 og 3 gjeld følgande:

Ordninga gjeld for innbyggjarar i Vaksdal kommune. Vaksdal kyrkjeleg fellesråd administrerer ordninga.

Ordninga gjeld for 1 år om gangen og skal reviderast i samband med årleg budsjetthandsaming.

Formannskap/plan- og økonomiutvalet - Sak 76/2018

FPØ - Behandling:

Røysting:

Det vart røysta over kvart av alternativa i rådmannen si tilråding:

Alternativ 1 fekk 0 røyster

Alternativ 2 fekk 5 røyster (AP, SP, KRF)

Alternativ 3 fekk 2 røyster (SV, H)

Alternativ 2 vart dermed vedteke.

FPØ - Tilråding:

Vaksdal kommune yter ein stønad til kremasjon på kr 5 000.

Ordninga gjeld for innbyggjarar i Vaksdal kommune. Vaksdal kyrkjeleg fellesråd administrerer ordninga.

Ordninga gjeld for 1 år om gangen og skal reviderast i samband med årleg budsjetthandsaming.

Kommunestyret - Sak 80/2018

KOM - Behandling:

Kjartan Haugsnes opprettheld sitt framlegg frå formannskapet, om alternativ 3 i rådmannen sitt framlegg til vedtak.

Framlegg frå Boris Groth

Vaksdal kommune yter ein stønad til kremasjon på inntil kr 5 300.

Røysting

Formannskapet si tilråding vart først sett opp mot framlegget frå Kjartan Haugsnes. Framlegget frå Kjartan Haugsnes fekk 5 røyster (SV og H) og fall.

Formannskap si tilråding vart så sett opp mot framlegget frå Boris Groth. Framlegget frå Boris Groth fekk 6 røyster (FRP, SV og H) og fall.

KOM - Vedtak:

Vaksdal kommune yter ein stønad til kremasjon på kr 5 000.

Ordninga gjeld for innbyggjarar i Vaksdal kommune. Vaksdal kyrkjeleg fellesråd administrerer ordninga.

Ordninga gjeld for 1 år om gangen og skal reviderast i samband med årleg budsjetthandsaming.

Saksopplysningar:

Saka vert lagt fram etter søknad frå Vaksdal Kyrkjeleg Fellesråd.

Samandrag/konklusjon (kort om saka)

Kyrkjeleg fellesråd ønskjer å auke andelen kremasjonar i kommunen. Kremasjonar vert i dag utført i Bergen og innbyggjarar i omengskommunar må betale kremasjonsavgift og transport. Kyrkjeleg fellesråd foreslår at Vaksdal kommune dekker kostnadane til kremasjon for sine innbyggjarar.

Bakgrunn for saka

Formelt grunnlag

Gravferdslova §3 regulerer kyrkjeleg fellesråd og kommunen sitt ansvar.

Fellesrådet har vedtatt å auke talet på kremasjonar i kommunen for å spare kostnader og areal på gravplassane. For at dette skal skje meiner dei at kommunen må dekke meirkostnadane ved kremasjon. Dei viser til Os kommune der kommunal støtte har auka andelen kremasjonar.

Større bykommunar driftar eigne krematorium og kremasjon er oftast gratis for innbyggjarane. Dette er også eit viktig tiltak for å redusere arealbehovet ved gravplassane i bykommunar.

Kremasjonar for våre innbyggjarar vert i dag utført ved krematoriet i Bergen. For innbyggjarar i Bergen er dette gratis, medan innbyggjarar i omengskommunar må betale kremasjonsavgift og transport.

I landkommunar har kremasjon vore midre vanleg, men gradvis aukar andelen kremasjonar også her.

Enkelte kommunar, som Os og Voss kommunar i vårt område, dekkar kostnader eller yter tilskot til kremasjon for sine innbyggjarar.

Vurdering og konsekvensar

Meirkostnadar ved kremasjon kan vera ein medverkande årsak til at andelen kremasjonar er relativt låg i kommunen. Kyrkjeleg fellesråd meiner talet på kremasjonar vil auke om kommunen dekker kostnadane. For andre avgifter som festeavgift er avgifta for urnegraver lågare enn for kistegraver.

Fellesrådet peiker på at tiltaket vert rimelegare for kommunen. I første omgang er det truleg ein kostnad for kommunen, men omfanget er vanskeleg å berekne. På sikt kan det gje noko lågare kostnader til drift og investering.

Ei eventuell støtteordning bør administrerast av Kyrkjeleg fellesråd. Det kan gjevast ein stønad på ein fast sum, t.d kr 5000 ved kremasjon. Om kommunen vel å dekke heile avgiften kan krematoriet sende faktura til fellesrådet. Kommunen dekkar fellesrådet sine kostnader månadleg eller pr kvartal.

Rådmann legg fram fleire alternativ til vedtak. Tiltaket er ikkje budsjettert for 2019.